

Universal Declaration of Human Rights - Picard

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

Dèclarâcion dès dreûts d' l'ome po tos lès payîs dè monde

[Preamble]

Considèrant qui l' rèspèt dèl dignité, qu'apartint sorlon l' nateûre a tos lès-omes so l' tère, èt d' leûs dreûts égâls, qu'on n' sâreût lzî mèskeûre, c'èst l' fondemint dèl liberté, dèl djustice èt dèl pàye è monde ètîr ;

considèrant qu' fâte dè k'nohe èt d' rèspècter lès dreûts d' l'ome, ènn' a dès cis qu' s'ont avili â pont d' brutâlizer l' s-ôtes d'ine manière scandaleûse po l' consyince di l'ûmânité qui l's-omes adon èspèrèt dè viker d'tot leû coûr èn-on monde wice qu'i sèrît turtos libes dè parler èt d' creûre, dilîbérés qu'i sont dèl tèreûr èt dèl mizère, insi qu'il a stu prôclamé ;

considèrant qu' s'on louke dè fwèrci l'ome a s'chèrvi dèl rèvole come dièrin mwèyin disconte di l'abus dèl pouhance èt d' l'assèrvilh'mint, i fât-st-apreume qu'on rèdjime di dreût garantih lès dreûts d' l'ome ;

considèrant qu' lès peûpes dès Nâcions-Unèyes ont, è leû Lwè d' fondâcion, prôclamé 'ne fèye di pus' leû fwè d'vins lès dreûts naturêls di l'ome, d'vins l'dignité èt l' valeûr dès-omes èt dès feumes, qu'il ont rézou d' favorizer l' progrès sociâl èt d' mète è plèce dès mèyeûsès condicions po viker avou 'ne pus grande liberté ;

considèrant qu' lès-Etats mambes s'ont ègadji po-z-assûrer vre°ymint tot costé, avou l'e°de di l'Organizâcion, li rèspèt dès dreûts d' l'ome èt d'sès naturêlès libèrtés ;

considèrant qu'i s' fât turtos mète d'acwèrd so l' significâcion d' cès dreûts èt d' ces libèrtés-la s'on vout rèyalizer on tél ègadjemint ;

considèrant qu'il è-st-important d'ècorèdjî totes lès nâcions a s'aconter todi mîs eune lôte,

li jènèrale Assimble°ye

prôclame cisse Dèclarâcion dès dreûts d' l'ome come riprèzintant lès comeunès valeûrs di l'ûmânité qui tos lès peûpes èt totes lès nâcions d'vront sayî d' tote leû fwèce dè mète èn-oûve afîs' qui totes lées djins èt totes lès sôciétés, tot-z-avant tofèr cisse Dèclarâcion èl tièsse si fwèrcièsse, avou lès mwèyins d' l'ansègnemint èt d' l'éducâcion, dè fèè crèhe li rèspèt d' cès dreûts èt libèrtés èt d'enn' assûrer, grâce a dès-adjincenèdjes todi pus nêts â lève° nacionâl èt internacionâl, li rik'nohance èt l'aplicâcion è monde ètîr èt d'ine rèyèle manière, ot'tant è-mé lès populâcions dès-Etats mambes qu' è-mé lès cisses dès tères qui sont d'zos leû k'dûhance.

prumî ârtike

Tos lès-omes vinèt â monde libes èt égâls po çou qu'èst d' leû dignité èt d' leûs dreûts. Leû re°zon èt leû consyince elzî fe°t on d'vwér di s'kidûre inte di zèle come dès frès

ârt II.

Chaskeun' pout prétinde a tos lès dreûts èt a totes lès libèrtés qui sont chal prôclamés, sins qu'on prinse astème, par ègzimpe, a s' race, a s' coleûr, a s' nateûre d'ome ou d'feume, a s' lingadje, a sès crwèyinces, a sès-îdèyes so l' politique ou so tot l'minme cvè, al contre°ye ou al famille di wice qu' i provint, a s' fôrtune, a s' lignèdje, brèf a cwè qui ç' seûye.

E d' pus', nouk ni deût pâti d' çou qu'on pout pinser dè gouvèrnemint di s' patrèye, di si-administrâcion, di s' condicion rapôrt as-ôtes payîs, qu'èle seûye souvèrinne ou soumise d'ine manière ou d' lôte.

ârt III.

Tot l' monde a dreût al vèye, al libèrté, al sûreté.

ârt IV.

In-ome n'a mây li dreût d'asservi in-ôte ome, d'ennè fé in-èsclâve èt 'ne martchandèye qu'on pout vinde ou atch'ter.

ârt V.

Nouk ni pout-esse mètou al torteûre, savadjmint maltre^otî èt avili, swè-dîzant dèl pûni.

ârt VI.

Chaskeun' deût-esse lîbe dè r' cwèri sès dreûts d'avant l'djustice, tot wice qui ç' seûye.

ârt VII.

Tos lès-omes sont égâals divant li lwè, qu'èlzès deût protéjer, sins nôle préfèrince po onk ou po l'ôte, çou qu' sèreût contre^ore al prezînte Déclarâcion Parèlièmint, li lwè 'lzès deût protéjer conte lès cis qu' vîrît ric'mander 'ne télé sôr di préfèrince.

ârt VIII.

Chaskeun' deût-esse vrèyemint lîbe d'atre^ore divant lès djudjes di s' pays tot lès cis qu'adjihèt conte lès me^osses dreûts rik'nohou d'vins l'constitution ou d'vins li lwè.

ârt IX.

Nouk ni pout, sins nôle bone re^ozon, èsse arèsté, rêsséré, ou bin tchèssî fou di s' pays.

ârt X.

Tot l'monde a parèlièmint l' dreût d' ple^otî s' cåse divant on tribunâl qui seûye lîbe èt sins parti-pri. Et li d'vwèr dè tribunâl, ci sèrè d' décider so lès dreûts èt so lès obligâcions dè ple^otieûs ou bin d' djudjî si l' acuzé èst coupâbe ou ènocint di çou qu'on l' amète.

ârt XI.

1. Tot quî è-st-acuzé d'on dèlit deût-esse supôzé ènocint disqu'a tant qu'il âye situ publiquemint djudjî èt rik'nohou coupâbe d'après li lwè èt so condicion qu' il âye situ tot-a fe^ot lîbe di s' disfinde.

2. Nouk ni pout-esse condanné po dè fe^ots ou po dè mâquemints qu' n' alît nin conte li dreût nacionâl ou internacionâl â moumint qu' ont stu comètous. Et tot fî parèy ni pout-i èsse condanné pus deûremint qu'i l'âreût stu â minme moumint, d'après li lwè.

ârt XII.

Il èst disfindou d' s'intrimète sins re^ozon d'vins lès-afe^ores d'ine saquî ou di s' famille, di brokî è s' mohone, di nahî d'vins lès lètes qu'i r'çût ou qu'il évôye. Il èst disfindou d' l' ac'sûre divins si-oneûr ou d'vins s' réputâcion. A d' fât d' çoula, chaskeun' a l' dreût d' rèclamer l'pretècsion dè lwès.

ârt XIII.

1. Chaskeun' a l' dreût d' cotî avâ s' pays come i lî ple^ot èt d' s'adjîstrer tot wice qu'il a îdèye.

2. Chaskeun'a ossi l' dreût d' cwiter tot l' minme qué payîs, minme li sonk, èt d' î rintrer qwand-i li ple^ot.

ârt XIV.

1. Si an cas qu' i-âreût 'ne pèrsecussion, on a todi l' dreût d' cwèri a s' ahouter èt di s'se^ower a l' ètrindjîr, s'il atome insi.

2. On n' si pout prévaleûr d' on tël dreût s'on-èst porsuvou po des fe^otes cléremint provés qui vont conte lès lwès ou conte lès-îdèyes dès Nâciones-Unèyes.

ârt XV.

1. Chaskeun' a dreût a 'ne nacionâlitè.

2. Nouk ni pout-èsse, sins nole bone re^ozon, spani di s' nacionâlitè ni di s'dreût d'ennè candjî.

ârt XVI.

1. Si vite qu'il ont l'adje, l'ome èt l'feume di tot l' minme quèle nacionâlitè ou r' lidjon sont libes di s' marier èt d' fonder 'ne famille. Onk come l'ôte, il ont lès minmes dreûts â moumint èt tot l' tins d' leû marièdje come po l' divôrce.

2. On n' pout marier in-ome èt 'ne feume s' i n' sèrît nin d'acwèrd.

3. Li nateûre a fe^ot dèl famille li fondemint dèl sôciètè èt l' société ossi bin qu' l' Etat ont l' dvwér dèl protéjer.

ârt XVII.

1. Chaskeun' èst libe d' aveûr dè bin, seûye-t-i d'a sonk tot seû, seûye-t-i è comunôté.

2. Nouk ni pout-èsse, sins nole bone re^ozon, dispouyî di s'bin.

ârt XVIII.

Chaskeun' èst me^osse di sès-îdèyes, di s' consyinca, di s' rilidjon. Coula vout dîre qu'il èst libe dè régler s' vèye so sès prôpès-îdèyes èt so s' rilidjon, tot seû ou bin avou dès-ôtes, è s' mohone come â d' foû, avou l'ansègnemint, lès pratiques, lès-ûzances èt lès cèrèmon'rèyes qui l'agrèyèt.

ârt XIX.

Chaskeun' èst libe dèwârdèr sèsîdèyes èt d'èlzès prôclamer. Ossi n' a-t-on nou dreût d'èl toûrmèter cåse di sès-îdèyes èt l' èst libe d'aler cwèri, dè r'çûre èt d' publiyî dès-informâcions di quèle manîre qui s' seûye.

ârt XX.

1. Tot l' monde a l' dreût di s' rapoûler èt d' s'assôciyer tant qui ç' n'èst nin po fé margaye.

2. Nouk ni pout-èsse fwèrci dè r'djonde ine associâcion.

ârt XXI.

1. Chaskeun' a l' dreût dè prinde part al politique di s' payîs, seûye-t-i directèmint, seûye-t-i avou l' intrèmîse d' on r'prézintant, librèmint tchûzi.

2. Chaskeun' âs minmès condicions, pout prétinde a on posse divins lès-administrâcions.

3. Lès me^osses dèl nâcion ni d'vèt leû pouvwr qu'al vol'té dè peûpe, téle qu'èle si done a k'nohe âs-élècsions, qu'i fât èmantchî d'vins l'dreût dè djeû, â moumint volou, avou l'sufraje ûnivèrsél èt lès minmes dreûts po turtos. Et s' fât-i co qu' chaskeun' si pôye rètrôk'ler po vôte sècrètemint, a mons qu' on-imâdjine ine ôte manîre dè rèspecter parèlièmint l' libèrté dè vôtant.

ârt XXII.

Dè moumint qu'ine saquî èst rik'nohowe come mambe dèl sôciété, èle pout prétinde al sécurité sociâle. Elle a l' dreût d' rèclamer tot çou qu'èle a mèzâhe po viker conv'nâblèmint, po t'ni s' rang, po s' cultiver, di manîre a wârdèr tote si dignité d'ome èt a fé libèremint frudji sès prôpès capâcités. Et po çoula, èle deût poleûr conter so l'èhowe dè payîs tot-èûr come so l'assistince dèl ôtes payîs, chaskeun' sorlon si-organizâcion èt sès mwèyins.

ârt XXIII.

1. Chaskeun' a l' dreût d'ovrer èt d' fé l' mestî qu' li ple^ot. Et s'èl deût-on adègnî so l'ovrèdje tot li mètant dèl condicions qu' sèyèsse djusses èt dûhâves. El fât ossi assûrer conte li chômedje.

2. Po l' minme payèle, tos l's-ovrîs ont dreût al minme pâye, sins nole prèfèrincedje.

3. Tot quî qu' oûveûre deût lèver l' sale^ore qui li r'vint èt qu' deût li pèrmète, lu èt s' famille, dè miner l' vicâaeye d'ine one^ote djint. Et s'il atome insi, c' è-st-al sôciété d' mète çou qu' pôreût mâquer.

4. On a todi l' dreût dè r'djonde on syndicat ou di s'mète a saqwant' po 'nn' èmantchî onk.

ârt XXIV.

Tot l' monde si deût poleûr ripwèzer èt prinde dèl lwèzîrs. C'è-st-insi qu'on n' pout fwèrci in-ovrî a trîmer foû mèzeûre èt qu'on li deût payî dèl vacances â bout d'on tins.

ârt XXV.

1. Tot l' monde a dreût a 'ne vicâreûre qui li pèrmète dè sognî s' santé èt s' confôrte come lès cis di s' famille, par ègzimpe ôpo çou qu'èst d' magnî, di s' moussi, d' s'adjîstrern di s' fé médî èt d' saqwants chèrvices di sôciété qu' on n' s' è pout passer. Lès chômeurs, lès malâdes, lès mèbrudjîs, lès vèfs èt lès vèves, lès veyès djints, lès cis qu'on pièrdou leû gangnèdje mâgré zèls ont dreût al sécurité.

2. Lès méres di famille èt l's-ènfants ont-st-a preume li dreût d' èsse e^odîs èt assistés. Tos l's-éfants, qu' i sèyèsse vinou a monde divins l' marièdje ou foû, ont l' minme dreût al sécurité sociâle.

ârt XXVI.

1. Tot l' monde deût poleûr fé dèl-études, èt çoula grâti, dè mons po çou qu' èst dèl bassès scoles. I fât-st-èmantchî on pô tot costé dèl techniques èt professionèles. Tant qu'âs hôtes scoles, èlzès fât drovi parèlièmint a turtos d'après lès mèrites.

2. Li d'vwèr dèl me^osses di scole, c'èst d' fé frudji lès capâcités d' chaskeun' èt d' mî fé rèspecter lès dreûts d' l' ome èt lès prumîres libèrtés. C' è-st-ossi d' aminer lès djints d'totes lès nâcions, di totes lès races, di totes lès r' lidjons a s' mî comprinde, a s' mî supwèrter, a s' mî inmer. C'è-st anfin d'e^odî lès Nâcions-Unèyes a todi mî ovrer po qui l' monde wâde li pâye.

3. C'è-st-èa preume âs parints d'tchûzi l' mèyeûse sicole po leûs-éfants.

ârt XXVII.

1. Rapôrt al cultûre, chaque mambe dèl comunôté deût poleûr profiter d' tot çou qu' i s' passe, an'mirer lès-oûves dèl ârtisses, prinde pârt âs invancions dèl savants èt a leûs binfe^ots.

2. Lès savants, lès scriyeûs, lès-ârtisses ont l' dreût d'esse disfindous s' on vøreût fé twert a leû gangnèdje ou bin a leû dignité.

ârt XXVIII.

D'ine classe a l'ôte dèl sôciété, d'on payîs a l'ôte, on s' deût arindjî d' manîre a ç' qui lès dreûts èt lès libèrtés chal divant prôclamés sèyèsse bin rèspectés.

ârt XXIX.

1. Chaskeun' n'a dès-obligâcions qu'avou l' comunôté qu'èl le^ot tot-a fe^ot libe dè mète èn-oûve sès capâcités.

2. Li lwè a seûle li pouvèr dè rastrinde lès dreûts èt lès libèrtés d' chaskeun', dè moumint qu' c'èst po fé rik'nohe èt rèspecter lès dreûts èt lès libèrtés dès-ôtes, po prézèrver l' morâalîté, l' tranquillité dès dhins èt l' binâhiste d' turtos d'vins 'ne sôciété d' démocrates.

3. Di tote manîre, i n' sâreût-esses quèstion d' profiter d'cès dreûts èt d' cès libèrtés po-z-aler disconte lès-îdèyes èt les grandès régues dès Nâciones-Unèyes.

ârt XXX.

On-âreût twért di s' voleûr rabate so tot l' minme quel ârtike dèl prézinte Dèclaracion, qui ç' seûye ine nâcion ou bin 'ne seûle djint, po djustumint sayî dè distrûre lès dreûts èt lès libèrtés qu' s'î trovèt prôclamés.
